

Minister Dangui Oduber:

Productonan di Cannabis medicinal ta riba mercado

Minister di Salubridad Publico Sr. Dangui Oduber ta e mandatario encarga cu cannabis medicinal. Na aña 2017 na momento cu a forma Gobierno, a bay di acuerdo den gobernacion entre MEP-POR-RED cu lo bay sondea e posibilidadnan pa importa, cultiva y bende productonan di CBD y cannabis oil. E mandatario a menciona cu e ta kere den e industria di importacion di productonan di cannabis oil.

E mandatario a expresa cu Aruba ta un di e poco paisnan na mundo y den Caribe cu tin un vision progresivo pa cu cannabis medicinal. Na aña 2019 caba Ministerio di Salubridad Publico a duna diferente permiso na diferente companianan local pa importa productonan cu ta contene CBD. Minister Oduber ta hopi satisfecho cu ya caba varios di e gruponan aki ya caba a importa e productonan y esakinan ta riba mercado.

E productonan di CBD y cannabis oil ya caba ta yudando diferente pashentnan cu tin diferente malesa den nos comunidad. Minister Oduber a bisa cu Aruba ta percurando pa diversifica su economia cu e



industria nobo di cannabis. Na mes momento Gobierno ta den e finalizacion di e proceso pa bay otorga permiso pa cultivacion, procesamento y exportacion di cannabis medicinal y asina aki Minister Oduber ta muera di tin un pensamiento di diversifica-

cion di nos economia. Esaki ta algo cu den pasado nunca a logra, semper pais Aruba su economia a depende grandemente sea riba turismo of refinaria. Aworaki e Gobierno aki ta demostrando cu e industria di cannabis medicinal por crea cuponan di trabou,

por crea entradanan pa Gobierno y por stimula economia. Pa es motibo Minister Oduber ta hopi satisfecho cu ya caba e productonan cu ta contene CBD ya caba ta obtenibel na diferente boticanan y luganan cu ta bende supplement.

Finalmente Minister Dangui Oduber ta conseha pueblo pa educa nan mes riba e materia. Lesa kico tur por ta e beneficio di e productonan aki y tambe kico por ta e posibel side effect cu e productonan aki por tin.